

FRÁSÖGN

af fjarfundi forsætisnefndar Vestnorræna ráðsins 11. desember 2023.

Af hálfu Íslandsdeildar Vestnorræna ráðsins sóttu fundinn Steinunn Þóra Árnadóttir, formaður Íslandsdeildar, og Hildur Edwald, sérfræðingur í alþjóðamálum. Aðrir fundarmenn voru Jenis av Rana, formaður Vestnorræna ráðsins og formaður landsdeildar Færeyja, Poula Árnadóttir Lervig, ritari færeysku landsdeildarinnar, Doris J. Jensen, formaður grænlsku landsdeildarinnar, Inga Olsen, ritari grænlsku landsdeildarinnar, og Lárus Valgarðsson, framkvæmdastjóri Vestnorræna ráðsins.

Forsætisnefnd fór yfir fyrirhuguð störf í tengslum við barna- og unglingabókaverðlaun Vestnorræna ráðsins, tilnefningar í dómnefnd verðlaunanna og hugsanlegar breytingar á fyrirkomulagi verðlaunanna. Akveðið var að setja fyrirkomulag verðlaunanna á dagskrá innri fundar ráðsins í Tasiilaq á Grænlandi í mars.

Nefndin ræddi breytingar á vefsíðu ráðsins, hvað birta ætti þar og reglur um birtingu fundargerða og annarra gagna ráðsins. Þá var einnig fjallað um starf við endurskoðun starfsreglna ráðsins. Framkvæmdastjóri hefur gert drög að endurskoðuðum starfsreglum og hyggst funda með hverri landsdeild fyrir sig í byrjun næsta árs til að kynna drögin.

Á fundinum var fjallað um undirbúning og skipulag þemaráðstefnunnar sem fram fer í Tasiilaq á Grænlandi í mars sem og ársfundinn sem fyrirhugaður er í Þórshöfn í Færeyjum í ágúst.

Þá var rætt um samstarf Vestnorræna ráðsins við Hringborð norðurslóða (e. Arctic Circle og 40 ára stórafmæli Vestnorræna ráðsins árið 2025.

Frekari upplýsingar má nálgast hjá ritara Íslandsdeildar Vestnorræna ráðsins og á vefsvæðinu www.vestnordisk.is.